

АВТО ҮЙЛЧИЛГЭЭ ЭРХЛЭГЧДЭД АНГИЛАЛ ТОГТООХ, ХЯНАЛТ ТАВИХ ЖУРАМ

Нэг. Нийтлэг үндэслэл

1.1. Энэхүү журмын зорилго нь Монгол Улсын нутаг дэвсгэрт авто тээврийн хэрэгслийн ашиглалттай холбогдон гарах үйлчилгээ эрхэлж байгаа иргэн, аж ахуйн нэгж, байгууллагын үйл ажиллагаанд (цаашид “авто үйлчилгээ эрхлэгч” гэх) эрх бүхий байгууллагаас ангилал тогтооход үүсэх харилцааг зохицуулахад оршино.

1.2. Энэхүү журмыг өмчийн төрөл харгалзахгүй авто үйлчилгээний чиглэлээр үйл ажиллагаа эрхэлж буй иргэн, аж ахуйн нэгж, байгууллага болон ангилал тогтоох, хяналт тавих эрх бүхий байгууллага, албан тушаалтан дагаж мөрдөнө.

1.3. Холбогдох хууль тогтоомжийн дагуу эрх бүхий байгууллагаар ангиллаа тогтоолгоогүй иргэн, аж ахуйн нэгж байгууллага авто үйлчилгээний чиглэлээр үйл ажиллагаа эрхлэхийг хориглоно.

1.4. Авто үйлчилгээний байгууллагад ангилал тогтоох үйл ажиллагааг автотээврийн асуудал эрхэлсэн төрийн захиргааны төв байгууллагаас эрх олгогдсон байгууллага гүйцэтгэнэ.

1.5. Хүн малын эрүүл мэнд, хүрээлэн байгаа орчин, улс орны аюулгүй байдал, нийтийн ашиг сонирхолд хохирол учруулж болзошгүй бүтээгдэхүүн үйлчилгээнд тохирлын баталгааг үндэслэнэ.

Хоёр. Нэр томъёоны тайлбар

2.1. Энэхүү журамд заасан дараах нэр томъёог дор дурдсан утгаар ойлгоно:

2.1.1. “Авто үйлчилгээ” гэж “Авто үйлчилгээнд тавих. Ерөнхий шаардлага” MNS 5025:2020 стандартын 4.1-д тусгагдсан автотээврийн хэрэгслийн ашиглалтын үйл ажиллагааг;

2.1.2. “Авто үйлчилгээ эрхлэгч” гэж “Авто үйлчилгээнд тавих. Ерөнхий шаардлага” MNS5025:2020 стандартын 4.2-д тусгагдсан автотээврийн хэрэгслийн ашиглалттай холбогдсон үйл ажиллагааг хэрэглэгчдэд үзүүлж байгаа иргэн, аж ахуйн нэгж, байгууллага;

2.1.3. “Улсын байцаагч эсвэл техникийн хяналтын шинжээчийн дүгнэлт” гэж авто үйлчилгээний байгууллагын үйлчилгээ, тоног төхөөрөмж, ажлын байрны орчин нөхцөл, хэвийн ажиллагаа, аюулгүй байдлын үзүүлэлт нь эрх бүхий байгууллагаас батлан гаргасан нийтээр дагаж мөрдөх дүрэм, журам, стандартаар

тогтоосон шаардлагад нийцэж байгаа эсэхийг тодорхойлсон баримт (цаашид “Улсын байцаагч эсвэл шинжээчийн дүгнэлт” гэх);

2.1.4. “Ангилал тогтоох” гэж авто үйлчилгээ эрхлэгчийн боловсон хүчин, барилга байгууламж, техник, технологи нь тухайн үйлчилгээний төрөлд тавих шаардлагад тохирч буй эсэхийг тодорхойлж, баталгаажуулах үйл ажиллагааг;

2.1.5. “Авто үйлчилгээний мэдээллийн сан” гэж “Замын хөдөлгөөний аюулгүй байдлын тухай” хуулийн 10 дугаар зүйлийн 10.1.-д заасан Замын хөдөлгөөний аюулгүй байдлын бүртгэл, мэдээллийн нэгдсэн сангийн төрөлжсөн дэд сан (цаашид “мэдээллийн сан” гэх).

2.2. Энэхүү журамд ишлэл болгосон эрх зүйн баримт бичигт өөрчлөлт орсон тохиолдолд хамгийн сүүлчийн албан ёсны эх материалыг татаж хэрэглэнэ.

Гурав. Ангилал тогтоох үйл ажиллагааны зохион байгуулалт

3.1. Авто үйлчилгээний чиглэлээр үйл ажиллагаа эрхлэх иргэн, аж ахуйн нэгж, байгууллага нь ангилал тогтоох эрх бүхий байгууллагаар үйлчилгээний ангиллаа тогтоолгосны үндсэн дээр үйлчилгээ эрхэлнэ.

3.2. Ангилал тогтоох эрх бүхий байгууллага нь ангилал тогтоолгох хүсэлтийг хүлээн авах, бүртгэх, хянан үзэж шийдвэрлэх, мэдээллийн сан бүрдүүлэх, гэрээ байгуулах, ангилал тогтоолгосон гэрчилгээ олгох зэрэг ажлыг зохион байгуулна.

3.3. Үйлчилгээний ангиллыг тогтоохдоо тохирлын баталгаа, улсын байцаагч эсвэл шинжээчийн дүгнэлтэд үндэслэн тогтооно.

3.4. Ангилал тогтоохдоо дараах зарчмыг баримтална:

3.4.1. Бие даасан, хараат бус байх;

3.4.2. Ил тод, шуурхай, шударга байх;

3.4.3. Иргэн, аж ахуйн нэгж, байгууллага үйлчилгээ эрхлэхэд таатай орчныг бүрдүүлэх, адил тэгш нөхцөл олгох.

3.5. Ангилал тогтоох үйл ажиллагаа нь цахим хэлбэрээр явагдах бөгөөд шаардлагатай тохиолдолд газар дээр нь үзэх, тодруулаг хийж болно.

3.6. Авто үйлчилгээний байгууллага нь ангилал тогтоолгох хүсэлтээ мэдээллийн сан дах маягтын дагуу ангилал тогтоох эрх бүхий байгууллагад гаргана.

3.7. Ангилал тогтоолгох хүсэлтэд дараах материалыг хавсаргана. Үүнд:

3.7.1. Аж ахуйн нэгжийн гэрчилгээний хуулбар (иргэний нэр дээр үйл ажиллагаа явуулах бол иргэний үнэмлэхний хуулбар);

3.7.2. Үйлчилгээний хүчин чадал, тоног төхөөрөмжийн тухай товч танилцуулга;

3.7.3. Тохирлын гэрчилгээний хуулбар;

3.7.3. Тохирлын гэрчилгээний хуулбар;

3.7.4. Улсын байцаагч эсвэл шинжээчийн дүгнэлт;

3.7.5. Үйлчилгээний нэр төрөл, тэдгээрийг гүйцэтгэх технологийн карт;

3.7.6. Үйлчилгээний үнэ тариф, ажиллах цагийн хуваарь;

3.7.7. Үл хөдлөх хөрөнгийн гэрчилгээний хуулбар эсвэл түрээсийн гэрээний хуулбар;

3.7.8. Галын аюулгүй байдал хангаж буй эсэхийг тогтоосон мэргэжлийн байгууллагын дүгнэлт;

3.7.9. Авто угаалгын үйлчилгээ эрхлэгч мэргэжлийн байгууллагын дүгнэлт гаргуулах.

3.8. Ангилал тогтоох эрх бүхий байгууллага нь хүсэлтийг хүлээн авснаар хянан үзэж ажлын 15 хоногийн дотор “Авто үйлчилгээнд тавих. Ерөнхий шаардлага” MNS 5025 стандартад заасан төрлийн үйлчилгээ эрхлэх ангиллын гэрчилгээ олгох асуудлыг шийдвэрлэнэ.

3.9. Ангилал тогтоох эрх бүхий байгууллагын эрх, үүрэг

3.9.1. Ангилал тогтоолгох хүсэлтийг хүлээн авч хянан үзэж шаардлага хангаж буй тохиолдолд зохих ангиллын гэрчилгээг тогтоосон хугацаанд олгох;

3.9.2. Тухайн ангиллын үйлчилгээ эрхлэхэд тавигдах нөхцөл шаардлага хангаагүй тохиолдолд ангилал тогтоож, гэрчилгээ олгохоос татгалзах;

3.9.3. Ангилал тогтоолгосон байгууллагын дэлгэрэнгүй мэдээллийг мэдээллийн санд бүртгэх;

3.9.4. Ангилал тогтоолгосон байгууллагад мэдээллийн санд техникийн үйлчилгээ, засварын тухай мэдээлэл оруулах эрх олгох, эрхийг цуцлах;

3.9.5. Ангилал тогтоолгосон байгууллагатай гэрээ байгуулах, гэрээг тогтоосон хугацаанд дүгнэх, ангиллын гэрчилгээг сунгах, хүчингүй болгох;

3.9.6. Ангилал тогтоолгосон байгууллагын үйл ажиллагааг олон нийтэд сурталчлах, мэргэжил арга зүйн зөвлөмжөөр хангах;

3.9.7. Гэрээний нөхцөл, шаардлагыг биелүүлж байгаад хяналт тавих;

3.9.8. Авто үйлчилгээний мэдээллийн сангийн аюулгүй байдал, найдвартай ажиллагаа, шинэчлэлийг хариуцна;

3.9.9. Авто үйлчилгээний талаарх статистик мэдээ тайланг жилийн эхний хагас болон жилийн эцэс, мөн шаардлагатай тохиолдолд тухай бүр нь гарган автотээврийн асуудал эрхэлсэн төрийн захиргааны төв байгууллагад хүргүүлнэ.

3.10. Ангилал тогтоох эрх бүхий байгууллага нь ангилал тогтоолгосон байгууллагатай тухайн ажил үйлчилгээг өөрийн төрөл, хүчин чадал, технологийн карт, цагийн хуваарийн дагуу үзүүлэх талаар болон тухайн хоёр байгууллагын эрх, үүрэг, хариуцлагын тухай тохиролцож гэрээ байгуулна.

3.11. Ангилал тогтоолгосон хугацаа, түүнийг сунгах

3.11.1. Ангилал тогтоосон гэрчилгээг 3 жилээс доошгүй хугацаагаар олгоно.

3.11.1. Ангилал тогтоосон гэрчилгээг 3 жил хүртэлх хугацаагаар олгоно.

3.11.2. Гэрчилгээний хугацааг сунгахдаа улсын байцаагч эсвэл шинжээчийн дүгнэлтийг үндэслэн анх олгосон хугацаанаас доошгүй хугацаагаар сунгаж болно.

3.11.3. Тухайн үйлчилгээний байгууллагад тавигдах нөхцөл шаардлагыг зөрчсөн тохиолдолд гэрчилгээний хугацааг сунгахгүй.

3.12.Ангилал тогтоолгосон гэрчилгээг түдгэлзүүлэх.

3.12.1.үйл ажиллагаанд тавигдах нөхцөл шаардлагыг зөрчсөн тохиолдолд мэргэжлийн хяналтын байгууллага, автотээврийн хяналтын улсын байцаагчийн дүгнэлтийг үндэслэн ангилал тогтоосон эрх бүхий байгууллага түүнийг 3 сар хүртэл хугацаагаар түдгэлзүүлж болно.

3.12.2.үйл ажиллагааг түдгэлзүүлсэн нөхцөл арилсан тухай мэргэжлийн хяналтын байгууллага, автотээврийн хяналтын улсын байцаагчийн дүгнэлтийг үндэслэн ангилал тогтоосон эрх бүхий байгууллага ангилал тогтоосон гэрчилгээг сэргээнэ. Ингэхдээ тухайн гэрчилгээг анх олгосон хугацаанаас нь үргэлжлүүлнэ;

3.13.Ангилал тогтоосон эрх бүхий байгууллага нь дараах тохиолдолд ангилал тогтоолгосныг хүчингүйд тооцно. Үүнд:

3.13.1. Эзэмшигч хүсэлт гаргасан;

3.13.2. Хуулийн этгээд татан буугдсан;

3.13.3. Гэрчилгээнд заасан төрлийн үйлчилгээг шалтгаангүйгээр гурван сараас дээш хугацаагаар эрхлээгүй буюу тавигдах шаардлагыг хангахгүй болсон;

3.13.4. Үйлчлүүлэгчдээс удаа дараа (2 ба түүнээс дээш) гомдол гарч тэр нь мэргэжлийн байгууллагаас үндэслэлтэй гэж тогтоосон;

3.13.5. Ангиллын гэрчилгээг бусдад шилжүүлсэн, худалдсан, барьцаалсан;

3.13.6. Гэрээгээр хүлээсэн үүргээ ноцтой зөрчсөн;

3.13.7. Авто үйлчилгээ эрхлэгч нь “Авто үйлчилгээний мэдээллийн сан”-д техникийн үйлчилгээ, засварын тухай мэдээллээ тогтмол оруулаахгүй тогтоогдвол.

3.14. Эрх бүхий байгууллага, албан тушаалтны шийдвэрээр авто үйлчилгээний байгууллагын үйл ажиллагааг түдгэлзүүлсэн, хүчингүйд тооцсон тохиолдолд ангилал тогтоосон эрх бүхий байгууллага энэ тухай олон нийтэд мэдээлнэ.

3.15. Авто үйлчилгээ эрхлэгч нь тогтоолгосон ангиллаа өөрчлөх, нэмэгдүүлэх тохиолдолд зөвхөн тухай ангилалд хамаарах хүрээнд улсын байцаагч эсвэл шинжээчийн дүгнэлт гаргуулна.

3.16. Тохирлын баталгаа, улсын байцаагч эсвэл шинжээчийн дүгнэлтэд үндэслэн үйлчилгээний ангиллыг дахин тогтоон гэрчилгээ олгоно.

3.17. Үйлчилгээ эрхлэгч нь олон байршилд үйл ажиллагаа эрхлэх бол салбар тус бүрт ангилал тогтоолгон гэрчилгээ авсан байна.

3.18. Авто үйлчилгээ эрхлэгч нь “Авто үйлчилгээний мэдээллийн сан”-д техник үйлчилгээ, засварын тухай мэдээллээ тогтмол оруулна.

3.19. Үйлчлүүлэгч нь үйлчилгээтэй холбоотой гомдлоо тухайн байгууллагын удирдлагад гаргаж шийдвэрлүүлнэ. Хэрэв тухайн үйлчилгээний байгууллага шийдвэрлээгүй, эсвэл гаргасан шийдвэр үйлчлүүлэгчийн сэтгэлд нийцэхгүй бол ангилал тогтоох эрх бүхий байгууллага болон хэрэглэгчийн эрх ашгийг хамгаалах байгууллагад тавьж шийдвэрлүүлнэ. Үйлчилгээтэй холбоотой гомдлыг холбогдох байгууллага 14 хоногийн дотор шалгаж хариу өгнө.

Дөрөв. Авто үйлчилгээ эрхлэгчдийн нийтлэг эрх, үүрэг

4.1. Авто үйлчилгээний байгууллага нь мэргэжлийн байгууллагаар ажил үйлчилгээнийхээ чанар, байдлыг үнэлүүлж зохих ангилал тогтоолгох;

4.2. Ажил, үйлчилгээний талаарх мэдээллээ нэгдсэн мэдээллийн санд байршуулах;

4.3. Тээврийн хэрэгсэлд техникийн үйлчилгээ, засвар хийхдээ үйлдвэрлэгчээс тогтоосон техникийн норм, дүрэм, зааварчилгааг мөрдлөг болгон ашиглах бөгөөд технологийн карт, аюулгүйн ажиллагааны дүрэм боловсруулж мөрдөн ажиллах;

4.4. Техникийн үйлчилгээ, засварын үнэ тарифыг тогтоох, үйлчилгээндээ үндэслэлтэй тогтоосон үнэ тарифыг мөрдөх;

4.5. Үйлчилгээндээ баталгаат хугацаа тогтоох, баталгаат хугацаанд техникийн үйлчилгээ, засварыг хэрэглэгчид үзүүлэх;

4.6. Тээврийн хэрэгсэлд хийсэн засвар, үйлчилгээний мэдээллийг тухай бүрт нь мэдээллийн санд бүртгэж оруулах;

4.7. Авто үйлчилгээний байгууллага нь “Хог хаягдлын тухай” хуулийн 10.2.4-д “Хог хаягдлаа зориулалтын хогийн сав болон цэгт хаях эсвэл хог хаягдал цуглуулж тээвэрлэх эрх бүхий байгууллагад шилжүүлэх” гэж заасны дагуу хамтран ажиллах;

4.8. Авто угаалгын үйлчилгээ эрхлэгч иргэн, аж ахуйн нэгж, байгууллага усаа дахин цэвэршүүлэх төхөөрөмжийг ашиглах;

4.9. Холбогдох хууль тогтоомжийн хүрээнд орон нутгийн засаг захиргаатай гэрээ байгуулж ажиллана.

Тав. Хяналт тавих эрх бүхий байгууллагын эрх, үүрэг

5.1. Тээвэрлэлтийн үйл ажиллагаанд төрийн хяналтыг хэрэгжүүлэх тогтолцоо

5.2. Авто үйлчилгээний эрхлэгчдийн үйл ажиллагаанд тавих захиргааны хяналтыг автотээврийн хяналт, шалгалтын асуудал эрхэлсэн төв байгууллага болон нутгийн захиргааны байгууллагын мэргэжлийн хяналтын алба, автотээврийн хяналтын улсын байцаагч хэрэгжүүлнэ.

5.3. Ажил үйлчилгээний талаарх мэдээллээ нэгдсэн мэдээллийн санд тогтмол байршуулдаг байгууллагуудын үйл ажиллагааг олон нийтэд мэдээллэх үүрэгтэй.

Хавсралт А

Ангилал тогтоох эрх бүхий
байгууллагын таних тэмдэг

**АВТО ҮЙЛЧИЛГЭЭНИЙ
АНГИЛЛЫН ГЭРЧИЛГЭЭ**

“.....” ХХК-д

..... ын захирал (дарга)-ын 20... оны дугаар сарын
..... (ангилал тогтоосон байгууллагын нэр)

өдрийн ... тоот тушаалыг үндэслэн авто үйлчилгээний ангиллын гэрчилгээ олгов.

ГАРЫН ҮСЭГ

Гэрчилгээ олгосон огноо.....

Хүчинтэй хугацаа

Энэхүү гэрчилгээ нь гэрээний хамт хүчинтэй.

1. Аж ахуйн нэгж байгууллага, иргэний нэр:

(ангилал тогтоолгосон байгууллага)

2. Регистер:

3. Үйлчилгээний газрын хаяг:

..... аймаг (нийслэл)-ийн сум (дүүрэг)-ын .
..... хорооны нутаг дэвсгэрт байрлах

2.Авто үйлчилгээний ангилал:

д/д	Төрөл	Хүчинтэй хугацаа
1		
2		
3		
4		
5		
6		
7		
8		

3.Нэмэлт өөрчлөлт:

д/д	Нэмэлт өөрчлөлтийн агуулга	Бүртгэсэн	
		Огноо	Ажилтан, тэмдэглэл

Энэхүү гэрчилгээ нь засвартай бол хүчингүй.

**АВТО ҮЙЛЧИЛГЭЭНИЙ АНГИЛАЛ ТОГТООЛГОХ
БАЙГУУЛЛАГААС АВАХ ЦАХИМ ХҮСЭЛТИЙН ЗАГВАР**

Нэг. Аж ахуйн нэгж, байгууллага, иргэний мэдээлэл

№	Байгууллагын мэдээлэл	Танилцуулга
1	Аж ахуйн нэгж, байгууллага, иргэний нэр	
2	Байгууллагын хаяг	
3	Үйлчилгээний газрын нэр	
4	Үйл ажиллагааны чиглэл	
5	Үйлчилгээний газрын хаяг	
6	Улсын бүртгэлийн гэрчилгээний №	
7	Байгууллагын регистр	
8	Өмчийн хэлбэр	
9	Тухайн чиглэлээр үйл ажиллагаа эрхэлж буй хугацаа	
10	Удирдлагын нэр холбогдох утас, майл хаяг	

Хоёр. Ангилал тогтоолгох хүсэлт

№	Ажил үйлчилгээний төрөл	Ангилал	Хүсэлт
Техникийн оношилгоо, үйлчилгээ, засвар			
Тээврийн хэрэгслийн ашиглалтын хугацаанд техникийн бүрэн бүтэн байдал, найдвартай ажиллагааг хангахад чиглэгдсэн бүх төрлийн техникийн оношлогоо, үйлчилгээ, засвар зэрэг хамаарна.			
1	Агрегат зангилаа механизмын оношлогоо, засвар		
2	Техникийн үйлчилгээ		
3	Хөдөлгүүрийн оношилгоо, техникийн үйлчилгээ, засвар, тохиргоо, зүгшрүүлэлт		
4	Түлшний систем засвар, тохиргоо, зүгшрүүлэлт		
5	Ажилласан хий (утаа)-г зайлуулах систем, яндангийн дуу, чимээ намсгагч, ажилласан хийг гаргах систем (EGR), DFP, DOC, катализаторын хувиргагч гэх мэт оношилгоо, засвар, техникийн үйлчилгээ, тохиргоо, зүгшрүүлэлт		
6	Радиатор, хөргөлт, агааржуулалтын системийн оношилгоо, техникийн үйлчилгээ, засвар, тохиргоо, зүгшрүүлэлт		
7	Хурдны хайрцаг, хүч дамжуулах ангийн оношилгоо, техникийн үйлчилгээ, засвар		

8	Жолооны механизм, явах ангийн оношилгоо, техникийн үйлчилгээ, засвар, тохиргоо, зүгшрүүлэлт		
9	Их биеийн засвар		
10	Угаалга, цэвэрлэгээ үйлчилгээ		
11	Цахилгаан систем, түүний тоноглол, хэрэгсэл болон цахилгаан хөдөлгүүрийн системийн оношилгоо, техникийн үйлчилгээ, засвар, тохиргоо, зүгшрүүлэлт		
12	Резин дугуй засвар, дугуйн баланс тохируулга, зүгшрүүлэлт		
13	Автомашины шил засварлах, суурилуулах үйлчилгээ		
Автотээврийн хэрэгсэл түүний сэлбэг, хэрэгсэл, эд ангийн худалдаа			
Автотээврийн хэрэгсэл түүний сэлбэг хэрэгсэл, эд анги, цахилгаан тоноглол, туслах тоног, төхөөрөмж, ашиглалтын бусад материалын бөөний болон жижиглэнгээр худалдаалах зэрэг үйлчилгээ үзүүлэх газар			
1	Автотээврийн хэрэгсэл		
2	Автотээврийн хэрэгслийн сэлбэг, хэрэгсэл		
3	Тос, тосолгооны болон ашиглалтын бусад материал		
4	Оёдол доторлогоо үйлчилгээ		
5	Тээврийн хэрэгслийн резин дугуй, обуд		
Автотээврийн хэрэгсэл, түүний эд анги хадгалах үйлчилгээ			
Тээврийн хэрэгслийг урт, богино хугацаагаар хадгалах авто зогсоол, түүнтэй нийцсэн бусад үйлчилгээг төлбөртэйгөөр үзүүлэх			
1	Авто зогсоол		
2	Тээврийн хэрэгслийн агрегат зангилаа, эд анги, сэлбэг, хэрэгсэл хадгалах		

Гурав. Үйлдвэрлэл үйлчилгээний барилга байгууламж

№	Барилга байгууламж	Нэгж	Тайлбар
1	Байршил, Хаяг		
2	Байрны эзэмшил		өөрийн түрээсийн
3	Үйлдвэрлэлийн байрны хэмжээ	м ²	
4	Зогсоолын талбай	м ²	
5	Галын аюулгүй байдлыг хангасан байдал	ОБГ-ын дүгнэлт	
6	Байгаль орчны нөлөөллийн үнэлгээ хийлгэсэн дүгнэлт	БО-ын дүгнэлт	
7	Ажилчдын хувцас солих өрөө	м ²	
8	Амрах өрөө	м ²	

9	Бие засах газар, гар угаах газар	Тоо	
---	----------------------------------	-----	--

Дөрөв. Технологийн тоног төхөөрөмж

№	Нэрс	Танилцуулга
1	Технологийн карт	
2	Тоног төхөөрөмжийн товч танилцуулга	
3	Тоног төхөөрөмжийн тоо хэмжээ	
4	Тоног төхөөрөмжийн хүчин чадал	
5	Тоног төхөөрөмжийн баталгаажилт	
6	Тоног төхөөрөмжийн насжилт	
7	Аюулгүй ажиллагааны зааварчилгаа	

Тав. Хүний нөөц

№	Ажлын байрны нэр	Инженер техникийн ажилтны тоо	Мэргэшсэн байдал

АВТО ҮЙЛЧИЛГЭЭ ЭРХЛЭГЧ ИРГЭН, АЖ АХУЙН НЭГЖ, БАЙГУУЛЛАГА БҮРТГЭХ МЭДЭЭЛЭЛ

Нэг. Байгууллагын мэдээлэл

1	Аж ахуйн нэгж, байгууллага, иргэний нэр	
2	Байгууллагын хаяг	
3	Үйл ажиллагааны чиглэл	
4	Улсын бүртгэлийн гэрчилгээний №	
5	Байгууллагын регистр	
6	Өмчийн хэлбэр	
7	Удирдлагын нэр холбогдох утас, майл хаяг	
8	Авто үйлчилгээний ангилал, төрөл	
9	Тухайн чиглэлээр үйл ажиллагаа эрхэлж буй хугацаа	
10	Ангилал тогтоолгосон хугацаа	
11	Дуусах хугацаа	

Хоёр. Хүний нөөцийн мэдээлэл

1	Овог	
2	Нэр	
3	Албан тушаал	
4	Регистерийн дугаар	
5	Хүйс	
6	Иргэншил	
7	Мэргэжил	
8	Мэргэшил	
9	Мэргэжлийн үнэмлэх, дипломын дугаар	
10	Мэргэжлээрээ ажилласан жил	
11	Тухайн байгууллагад ажилласан жил	

Гурав. Барилга байгууламж

1	Байршил, Хаяг		
2	Байрны эзэмшил		
3	Үйлдвэрлэлийн байрны хэмжээ	м ²	
4	Зогсоолын талбай	м ²	
5	Галын аюулгүй байдлыг хангасан байдал	ОБГ-ын дүгнэлт	
6	Ажилчдын хувцас солих өрөө	м ²	

7	Амрах өрөө	м ²	
8	Бусад		

Хавсралт В

ЭРХ БҮХИЙ БАЙГУУЛЛАГЫН ОРУУЛАХ МЭДЭЭЛЭЛ

Нэг. Тээврийн цагдаагийн байгууллага

Зам, тээврийн осолд холбогдсон гэмтэл

- Их гэмтэлтэй
- Дунд гэмтэлтэй
- Бага гэмтэлтэй

Хоёр. Онцгой байдлын байгууллага

	Их гэмтэлтэй	Дунд гэмтэлтэй	Бага гэмтэлтэй
Гал түймэрт өртсөн			
Үер, усанд өртсөн			
Бусад			

Гурав. Даатгалын байгууллага

- Даатгагч байгууллагын нэр
- Даатгалын хүчинтэй хугацаа
- Нөхөн олговрын мэдээлэл

Дөрөв. Тээврийн хэрэгслийн техникийн хяналтын байгууллага

- Техникийн хяналтын үзлэгийн мэдээлэл

Тав. Тээврийн хэрэгслийн бүртгэлийн байгууллага

- Өмнөх эзэмшигчийн мэдээлэл
- Тухайн тээврийн хэрэгслийн хязгаарлалт

Зургаа. Гаалийн байгууллага

- Эвдрэл гэмтлийн мэдээлэл
- Нийт явсан гүйлт

Долоо. Татварын ерөнхий газар

- Татварын түүх

Найм. Үнэлгээний байгууллага

- Эвдрэл гэмтлийн мэдээлэл